

Մուգնեցոյն քահանայութիւն էր խնդրեալ, արգիլեալ էին վասն բանին. և այժմ՝ զայս խնդրէ և մեք զի՛նչ արասցուք՝ ոչ գիտեմք, ասաց Տէրտէրս Վարդապետին: Եւ նա ասաց. Վասն է՞ր ի ժամանակին ոչ է եւ զեալ. և նոքա այլ իմն պատճառ եղին թէ՛ վասն մեզ ոչ են աւրհնեալ. և նա ասաց թէ՛ Ոք այլ չեմ աւրհներ: Եւ կրկին եկեալ նոյնպէս պաղատանօք և աղաչանօք թէ՛ Դուք չէք կամիր, թէ՛ չէ կու լինի. այսպէս խօսքեր. եւ մեք ասացաք թէ՛ Այլ վի կու լինի ձեռնադրութիւն, կաց ի յայն ատենն եղի՛ր. և ասեն թէ՛ Չէ՛, հիմի պիտիր. վասն է՞ր թէ՛ մինչև յայն ժամանակն, ո՛վ գիտէ թէ՛ ի՛նչ կու լինի. չարկամ ունիմ, լինի թէ՛ չթողուն: Աղէ՛կ, ապա մեք ի՛նչ անենք, չենք կարեր ասել զբան որ իւրեան համար կ'ասեն: Յետոյ կրկին աղաչեցին պաղատեցան թէ՛ Չայս բանն արէք: Գնաց Տէրտէրս Վարդապետին ասաց, և նա ասաց թէ՛ Ես չեմ. ահա՛ պիտի որ ձեռնադրութիւն՝ ես մի թէսքէրէ տամ որ զինք այլ աւրհնեն: Եւ զնացաք ասաք զայս թէ՛ Այսպէս ասաց, այլ ի՛նչ կ'ուզէք: Եւ ահա՛ մեր Յարութիւնն այլ մնաց. գնացին ճորով թէ՛ կաւ էր որ այժմ լինէր: Եւ զսորա քոյրն առնողն որ Սուրբ Նիկողոսցի էր՝ զաթոռին առած, զրկած աւագիրիցոյն թէ՛ Աւրհնեն. նա այլ չարաւ: Օրս Վարդապետն ասէր Տէրտէրիս թէ՛ Ին՛ր որ աւագ սարկաւագ օրհնեմ՝ նւաստիս համար, եւ Տէրտէրս ոչ է տվեալ կամք, և երեկունս ասաց ինձ Տէրտէրս, և ես այլ չկամեցայ, քանզի կարողութիւն պիտի քաշելու: Այս բանիցս և խօսիցս ժամանակն, յետ ժամուն ելնելուն էր, անձրև եկաւ խիստ, ի հոն մնացաք ես և Տէրտէրս և Գէորքն:

Ի Գ ժամուն (13 Աղբէլ կէր.) ելաք եւ գնացաք յեկեղեցին. և եղև ժամն, և Մարտիրոս վարդապետն քարոզ ասաց զաւուր խորհուրդն, որ թէ՛ վասն է՞ր